



Universitätsbibliothek Paderborn

**Sancti Bonaventvræ Ordinis Minorum, S. R. E. Cardinalis,
Episcopi Albanensis, Seraphici Doctoris Ecclesiæ, De Vita
S. Patris Francisci, Liber I.**

Bonaventura <Sanctus>

Antverpiæ, 1597

§. 4. De liberatis à naufragio.

urn:nbn:de:hbz:466:1-41460

DE VITA S. FRANCISCI LIB. I. 135
dam, ut sibi confiteretur, admonuit. & verbum
vnum ab eo extorquere non valuit. Ipse vero in
corde suo humiliter Christum orabat ut per beati
Francisci merita, a mortis cum faucibus eripere
dignaretur. Moxque, ut confortatus a Domino, bea-
ti Francisci nomen fideli deuotione deproposit:
testibus qui aderant, veneno euomito, liberatori
suo gratias egit.

§. 4. *De liberatis à naufragio.*

In magno maris periculo positi quidam nautæ,
cùm milliaria decem à portu Barulitano distarent,
ingrauecente nimis tempestate: iam de vitâ du-
bi anchoras submisserunt. Verum spiritu procella-
rum mari feruentius tumesciente, fractis funibus,
& relictis anchoris, incerto & inaequali cursu per
aqua vagabantur. Tandem nutu diuino, mari
placato, ad resumendas anchoras, quartu funes su-
periùs enatabant, toto se conamine parauerunt.
Cumque id perficere propriis viribus non valerent,
plurimorum sanctorum inuocato subsidio, multisque
iam sudoribus liquefcentes, nec vnam per totam
diem resumere potuerunt. Aderat autem nauta qui-
dam Perfectus nomine, sed moribus imperfectus:
qui cù irrisione quadam dixit ad socios; Ecce san-
ctorum omnium inuocatis auxiliū, & (ut videtis)
nullus est qui succurrat. Inuocemus istum Fran-
ciscum, qui nouellus est sanctus: si quo modo in ma-
re se mergat, & anchoras perditas reddat. Consen-
serunt ceteri nō irrisoriè, sed veraciter suasioni Per-
fecti: & ipsius obiurgantes irrisorium verbum, fir-
mauerunt cum sancto spontaneum votum. Sta-
timque in momento, sine aliquo adminiculo, nata-
uerunt anchoræ super aquas, quasi ferri natura
versa foret in ligneam levitatem.

Pere-

*Anchoræ per-
due nautis
redduntur.*

*Aquis super-
naturant.*

2.
Infirmus a
quam deside-
rata acc. pn.

Peregrinus quidam inuailidus corpore , propter febris peracutæ symptomata , quâ fuerat ante per- pessus ; naui quadam subiectus , de vltra marini partibus veniebat . Ferebatur autem ipse ad beatum Franciscum , præcipuo deuotionis affectu , & eum sibi apud cœlestem Regem elegerat aduocatum . Cùm igitur necdum perfectè liber à morbo , sitis angustiaretur ardoribus : deficiente iam aquâ , cœpit altâ voce clamare ; Ite fidenter , haurite po- culum mihi : quia B. Franciscus vasculum meum aquâ repleteuit . Mirum certè . Inuenerunt vas aquâ repletum , quod fuerat antè vacuum derelictum . Alio verò die , cùm tempestate subortâ operiretur nauis fluctibus , & procellis quateretur perualidis , ita ut iam naufragium timerent : cœpit idem infirmus subito clamore vociferari per nauem . Surgite omnes , inquit , & B. Francisco venienti occurrite : ecce ad saluandū nos adest . Sicq; cum voce magnâ & lacrymis , in faciem procidens adorauit . Statim ad sancti visionem , omnem fospitatem resumpit infirmus , & maris fuit tranquillitas subsecuta .

3.

Submersus
frater in pro-
fundo ambu-
lat.

Frater Jacobus Reatinus , cùm in nauiculâ par- uâ , fluuim quendam cum aliis fratribus pertransiret , sociis primò super ripam positis , postremò se ad exitum præparabat . Sed modico illo ligno , per infortunium reuoluto , rectore natâte , frater mer- sus est in profundū . Inuocabant fratres extra posi- ti , affectuosis precibus beatum Franciscum : & vt filio succurreret , lacrymosis gemitibus supplica- bant . Submersus autem frater , de ventre gurgitis nimis immensi , cùm ore non posset , corde clama- bat , vt poterat , implorans pij patris subsidium . Et ecce auxiliante sibi beati Patris præsentia , per pro- fundū sicut per aridam ambulabat : & demersam nauiculam capiens , cum eâ peruenit ad litus . Mi- rabile

DE VITA S. FRANCISCI LIB. I. 137
rabile dictu. Vestimenta eius madidata non sunt,
nec aquæ gutta proximauit ad tunicam.

Frater bona ventura nomine, cum duobus viris per lacum quendam nauigans, confracta ex parte nauicula, propter aquæ influentis impetum, de-mersus est cum naui & sociis in profundum. Cùm autem de lacu miseriæ, misericordem Patré Franciscum inuocarent, cum multâ fiduciâ supernatauit subito aquâ plena nauicula. & cum eis, sancto præbente ducatum, salubriter peruenit ad portum. Sic & quidam frater de Esculo submersus in flu-
mine, S. Francisci meritis extitit liberatus. Sed & in lacu Reatino, cùm quidam viri & mulieres, in consimili essent periculo constituti: ad inuocatio-
nem nominis S. Francisci, de aquarum multarum periculoso naufragio, salubriter euaserunt.

Quidam nautæ Anconitanus, periculosâ tempe-
state iactati, submersionis periculum iam videbat. Cumq; sic desperati de vitâ, S. Franciscum suppli-
citer inuocarent, lumen in mari magnu apparuit:
& cum ipso lumine tranquillitas concessa diuini-
tus, ac si beatus vir suâ mirandâ virtute, & ventis imperare posset & mari. Quantis autem miracu-
lorum prodigiis, beatus hic Pater in mari clarue-
rit, & clarescat; quoties ibidem opem tulerit de-
speratis; nullatenus credo possibile per singula enarrare. Nec mirum, si iam regnanti in cælis col-
latum est imperiu super aquas: cui & in hac mor-
talitate degenti, omniscorporea creatura, ad suam refigurata originem, mirabiliter seruiebat.

ⁿSap. 19. 6.

§. 5. De liberatis à vinculis & carceribus.

In Romaniâ, Græcum quendam cuiusdam do-
mini, seruientem, cōtigit de furto fallaciter accu-
fari: quem dominus Terræ in alto carcere manda-

I. s uit

i.